

## IV. ZAVRŠNE ODREDBE

4

## Član 7.

Budžetskim korisnicima za koje u ovom Budžetu nisu predviđena sredstva ili su predviđena u nedovoljnom iznosu, a kod kojih se ukaže neodgodiva potreba za sredstvima, predviđena je Tekuća rezerva Budžeta.

Sredstva iz Tekuće rezerve Budžeta, prema prethodno podnesenom zahtjevu, odobrava Vlada Srednjobosanskog kantona.

U Tekuću rezervu Budžeta izdvojiti će se 0,5% budžetskih prihoda, bez namjenskih prihoda, vlastitih prihoda i primitaka.

## Član 8.

Ovlašćuje se kantonalno Ministarstvo finansija da ispravi tehničke pogreške u tekstu Budžeta.

## Član 9.

Ovaj Budžet stupa na snagu narednog dana od dana objave u „Službenim novinama Srednjobosanskog kantona“, a primjenjivat će se od 1. januara 2025. godine.

Broj: 01-02-1499/24 PREDSJEDAVAJUĆI SKUPŠTINE  
18. decembra 2024.

Travnik

Dražen Matišić, s. r.

3

Na osnovu člana 32a. stava 1. tačke j) Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

**U K A Z**  
**O PROGLAŠENJU ZAKONA**  
**O IZVRŠAVANJU BUDŽETA**  
**SREDNJOBOSANSKOG KANTONA**  
**ZA 2025. GODINU**

## I.

Proglašavam Zakon o izvršavanju Budžeta Srednjobosanskog kantona za 2025. godinu, koji je donijela Skupština Srednjobosanskog kantona na XVII. sjednici, održanoj 18. decembra 2024. godine.

Broj: 01-02-1500/24 PREDSJEDAVAJUĆI SKUPŠTINE  
18. decembra 2024.

Travnik

Dražen Matišić, s. r.

**Z A K O N**  
**O IZVRŠAVANJU BUDŽETA**  
**SREDNJOBOSANSKOG KANTONA**  
**ZA 2025. GODINU**

## DIO PRVI – OPĆE ODREDBE

## Član 1.

**(Predmet Zakona)**

Ovim Zakonom uređuje se struktura prihoda i primitaka te rashoda i izdataka Budžeta Srednjobosanskog kantona za 2025. godinu (u daljnjem tekstu: Budžet) i izvršavanje Budžeta, prioriteti plaćanja, obim zaduživanja i izdavanje garancija, upravljanje dugom te finansijskom i nefinansijskom imovinom, prava i obaveze budžetskih korisnika, ovlaštenja Vlade Srednjobosanskog kantona (u daljnjem tekstu: Vlada Kantona), Ministarstva finansija Srednjobosanskog kantona (u daljnjem tekstu: Ministarstvo finansija) i ministra finansija u Vladi Srednjobosanskog kantona (u daljnjem tekstu: ministar finansija) u izvršavanju Budžeta za tekuću godinu, kao i kazne za neispunjenje obaveza te ostala pitanja u izvršavanju Budžeta.

## Član 2.

**(Sadržaj Budžeta)**

(1) Budžet se sastoji od Općeg dijela i Posebnog dijela te Pregleda višegodišnjih kapitalnih ulaganja.

(2) Opći dio Budžeta čine A. Račun prihoda i rashoda, B. Račun kapitalnih primitaka i izdataka te C. Račun finansiranja, na nivou ukupnog Budžeta.

(3) Posebni dio Budžeta sastoji se od plana rashoda i izdataka budžetskih korisnika, iskazanih po ekonomskoj i funkcionalnoj klasifikaciji te klasifikaciji prema izvorima finansiranja.

(4) Pregled višegodišnjih kapitalnih ulaganja, iz programa javnih investicija, prikazuje ukupnu vrijednost ulaganja po godinama i po svim izvorima finansiranja.

## Član 3.

**(Sadržaj Računa prihoda i rashoda,**  
**Računa kapitalnih primitaka i izdataka**  
**te Računa finansiranja)**

(1) Račun prihoda i rashoda Budžeta čine:

a) P r i h o d i

- 1) porezi,
- 2) takse,
- 3) naknade,
- 4) doprinosi,
- 5) kazne,
- 6) ostali javni prihodi,
- 7) transferi,
- 8) donacije;

b) R a s h o d i

- 1) plate i naknade troškova zaposlenika,
- 2) doprinosi poslodavca i drugi doprinosi,
- 3) izdaci za materijal, sitni inventar i usluge,

- 4) tekući transferi i drugi tekući rashodi,
- 5) kapitalni transferi,
- 6) izdaci za kamate.

(2) Račun kapitalnih primitaka i izdataka Budžeta čine:

a) P r i m i c i

1) primici od prodaje nefinansijske imovine,

b) I z d a c i

1) izdaci za nabavku nefinansijske imovine,

2) izdaci na osnovu rekonstrukcije i održavanja nefinansijske imovine.

(3) Račun finansiranja Budžeta čine:

a) P r i m i c i

1) primici od finansijske imovine,

2) primici od zaduživanja;

b) I z d a c i

1) izdaci na osnovu datih pozajmica,

2) izdaci za otplate dugova,

3) ostali izdaci na osnovu finansijske imovine.

## DIO DRUGI – IZVRŠAVANJE BUDŽETA

### POGLAVLJE I. UPRAVLJANJE PRIHODIMA I RASHODIMA

#### Odjeljak A. Prava i obaveze budžetskih korisnika

##### Član 4.

###### (Odgovornost budžetskih korisnika)

(1) Rukovodilac budžetskog korisnika odgovoran je za potpunu i pravovremenu naplatu svih prihoda i primitaka iz svoje nadležnosti te za njihovu uplatu u Budžet i za korištenje svih rashoda i izdataka u skladu s namjenama.

(2) Rukovodilac budžetskog korisnika provodi sve zakonom propisane radnje radi naplate potraživanja na osnovu ugovora ili bilo kojeg drugog potraživanja na osnovu javnih prihoda.

(3) Rukovodilac budžetskog korisnika odgovoran je za zakonito, namjensko, efikasno i ekonomično raspolaganje budžetskim sredstvima.

##### Član 5.

###### (Korištenje aproprijacija)

(1) Odobrene aproprijacije i opterećenja ističu 31. januara naredne godine.

(2) Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova.

(3) Aproprijacije se mogu prenositi u narednu fiskalnu godinu za finansiranje višegodišnjih kapitalnih ulaganja iz usvojenih programa javnih investicija, a koji su iskazani u tabeli Pregleda višegodišnjih kapitalnih ulaganja.

##### Član 6.

###### (Korištenje odobrenih sredstava)

Odobrena sredstva budžetski korisnik može koristiti samo za namjene koje su određene Budžetom, a u skladu sa svojim godišnjim finansijskim planom i dinamikom utvrđenom tromjesečnim i mjesečnim planovima, koje odobrava ministar finansija na osnovu plana novčanih tokova, kroz

koje se projiciraju sve uplate i isplate s Jedinstvenog računa Kantonalnog trezora (u daljnjem tekstu: JRT).

##### Član 7.

###### (Plan novčanih tokova)

(1) Ministarstvo finansija nadležno je za planiranje godišnjih i tromjesečnih planova novčanih tokova, iskazanih po mjesecima, kojima se projicira priliv sredstava na JRT i odliv sredstava s JRT-a te koji su osnov za izvršavanje Budžeta.

(2) U svrhu izrade godišnjih i tromjesečnih planova novčanih tokova Ministarstvo finansija – Sektor za Trezor (u daljnjem tekstu: Trezor) koristit će, između ostalih, i sljedeće izvore podataka:

- a) krajnje stanje na JRT-u za prethodni period;
- b) prognoze o svim prihodima na JRT;
- c) prognoze otplate duga;
- d) prognoziranje svih rashoda i izdataka.

##### Član 8.

###### (Operativni planovi)

(1) Na osnovu usvojenog Budžeta i godišnjeg plana novčanih tokova, iskazanih po mjesecima, Ministarstvo finansija dostavlja budžetskim korisnicima instrukciju za izradu prijedloga operativnih planova rashoda i izdataka.

(2) Prijedlog godišnjeg operativnog plana te tromjesečnih i mjesečnih operativnih planova rashoda i izdataka budžetski korisnik dužan je dostaviti u skladu sa instrukcijom Ministarstva finansija.

(3) Prijedlog operativnog plana rashoda i izdataka budžetski korisnik dostavlja nadležnom ministarstvu na nivou razdjela organizacione klasifikacije, koje njegov prijedlog operativnog plana usklađuje sa instrukcijom iz stava (1) ovog člana te ga dostavlja Ministarstvu finansija.

(4) O odobrenim operativnim planovima Ministarstvo finansija izvijestit će budžetske korisnike.

##### Član 9.

###### (Rok za dostavu prijedloga operativnih planova)

(1) Prijedlog tromjesečnog operativnog plana izvršenja Budžeta budžetski korisnik dužan je dostaviti Ministarstvu finansija 15 dana prije početka tromjesečja.

(2) Prijedlog mjesečnog operativnog plana za naredni mjesec, po budžetskim pozicijama utvrđenim u Budžetu za budžetskog korisnika, budžetski korisnik dužan je dostaviti Ministarstvu finansija do 25. u tekućem mjesecu.

(3) Ako budžetski korisnik Ministarstvu finansija ne podnese prijedlog mjesečnog operativnog plana u roku iz stava (2) ovog člana, mjesečni operativni plan za toga budžetskog korisnika utvrđuje Ministarstvo finansija.

(4) Izuzetno, ako Budžet nije objavljen u „Službenim novinama Srednjobosanskog kantona“, rokove iz stavova (1) i (2) ovog člana utvrdit će Ministarstvo finansija svojom instrukcijom, nakon što Skupština Srednjobosanskog kantona (u daljnjem tekstu: Skupština Kantona) donese Budžet.

##### Član 10.

###### (Korištenje odobrenih operativnih sredstava)

(1) Budžetski korisnik ne smije stvarati obaveze iznad iznosa odobrenog operativnog plana izvršenja Budžeta.

(2) Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi period koji je utvrdilo Ministarstvo finansija, osim uz saglasnost Ministarstva finansija.

(3) Ministar finansija ima pravo rješenjem obustaviti od provođenja odluku koja je u suprotnosti sa Zakonom o budžetima u Federaciji Bosne i Hercegovine i ovim Zakonom.

(4) Korisnik doznačenog transfera dužan je dostaviti resornom ministarstvu izvještaj o namjenskom utrošku sredstava.

(5) Ako korisnik iz stava (4) ovog člana ne dostavi izvještaj o namjenskom utrošku sredstava, neće imati pravo na apliciranje za dodjelu sredstava u narednoj fiskalnoj godini.

#### Član 11.

##### (Izvršavanje Budžeta po prioritetima)

Budžet se izvršava po sljedećim prioritetima:

- a) otplata kamata te otplata unutrašnjeg i vanjskog duga;
- b) plate i naknade troškova zaposlenika;
- c) transferi za zdravstvene i socijalne potrebe;
- d) izdaci za materijal i usluge;
- e) ostali tekući transferi;
- f) kapitalni transferi;
- g) izdaci za nabavku stalnih sredstava;
- h) ostalo.

#### Član 12.

##### (Sredstva Tekuće rezerve)

(1) Sredstva Tekuće rezerve planirana u Budžetu koriste se za nepredviđene namjene za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Budžeta nije bilo moguće predvidjeti, te u drugim slučajevima kada o tome odluči Vlada Kantona.

(2) Budžetska izdvajanja za Tekuću rezervu ne smiju prijeći 3% planiranih prihoda, bez namjenskih prihoda, vlastitih prihoda i bez primitaka.

#### Član 13.

##### (Korištenje sredstava Tekuće rezerve)

(1) Korištenje sredstava Tekuće rezerve Budžeta odobrava Vlada Kantona, na prijedlog Ministarstva finansija u iznosu do 1.260.000,00 KM.

(2) Premijer Srednjobosanskog kantona (u daljnjem tekstu: premijer Vlade Kantona) odobrava sredstva Tekuće rezerve Budžeta u iznosu do 297.000,00 KM.

(3) Ministar finansija odobrava sredstva Tekuće rezerve Budžeta u iznosu do 243.000,00 KM.

(4) O korištenju sredstava Tekuće rezerve Budžeta iz stavova (1), (2) i (3) ovog člana donosi se odluka.

(5) Izvještaj o utrošku finansijskih sredstava iz Tekuće rezerve podnosi se Vladi Kantona periodično, u skladu s Pravilnikom o finansijskom izvještavanju i godišnjem obračunu u Federaciji Bosne i Hercegovine („Službene novine Federacije Bosne i Hercegovine“, broj: 69/14, 14/15, 4/16, 19/18, 3/21 i 97/23).

#### Član 14.

##### (Prijenos neutrošenih sredstava u Tekuću rezervu)

Ako se tokom godine na osnovu propisa smanji nadležnost budžetskog korisnika, zbog čega se smanjuju i sredstva, ili ako se ukine budžetskog korisnika, neutrošena sredstva utvrđena za njegove rashode i izdatke prenose se u Tekuću rezervu Budžeta ili budžetskom korisniku koji preuzme njegove poslove, o čemu odluku donosi Vlada Kantona.

#### Odjeljak B. Korištenje prihoda, preraspodjela sredstava i platne transakcije

#### Član 15.

##### (Uplata javnih prihoda)

Svi javni prihodi koji pripadaju Budžetu obavezno se uplaćuju na JRT, koji je pod isključivom nadležnošću Ministarstva finansija, u skladu sa Zakonom o trezoru u Federaciji Bosne i Hercegovine.

#### Član 16.

##### (Povrat javnih prihoda)

(1) Ako se naknadno utvrdi da je isplata iz Budžeta obavljena nezakonito ili nenamjenski, budžetski korisnik dužan je odmah zahtijevati povrat budžetskih sredstava.

(2) Ako se nadzorom utvrdi da su sredstva korištena suprotno zakonu, ministar finansija donosi rješenje o povratu sredstava na JRT.

(3) Pogrešno ili više uplaćeni prihod u Budžet vraća se uplatiocu na osnovu rješenja koje donosi Ministarstvo finansija u skladu s Pravilnikom o procedurama za povrat više ili pogrešno uplaćenih javnih prihoda s Jedinstvenog računa Kantonalnog trezora.

#### Član 17.

##### (Platne transakcije)

(1) Javni prihodi Budžeta prikupljaju se preko računa javnih prihoda (depozitnog računa Budžeta).

(2) Platne transakcije obavljaju se preko transakcijskih računa koji su sastavni dio JRT-a, a otvara ih Ministarstvo finansija na osnovu odluke Vlade Kantona.

(3) Potpisnici naloga za platne transakcije preko računa iz stavova (1) i (2) ovog člana su premijer Kantona, ministar finansija i lice koje, na prijedlog ministra finansija, ovlasti Vlada Kantona.

#### Član 18.

##### (Vlastiti prihodi, donacije, transferi, namjenski prihodi i primici)

(1) Vlastiti prihodi, donacije, transferi i namjenski prihodi uplaćuju se na depozitni račun Budžeta i u Glavnu knjigu Trezora te se evidentiraju kao prihod svakog budžetskog korisnika.

(2) Primici se uplaćuju na transakcijski račun Budžeta.

(3) Ako su vlastiti prihodi, donacije, transferi i namjenski prihodi uplaćeni u nižem obimu nego što je iskazano u Budžetu, budžetski korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

(4) Budžetski korisnik obavezan je prilikom izrade svoga prijedloga operativnog plana izvršenja Budžeta planirati

rashode koji se pokrivaju iz očekivanih vlastitih prihoda, donacija, transfera, namjenskih prihoda i primitaka.

(5) Vlastiti prihodi moraju se utrošiti do kraja fiskalne godine, a neutrošeni dio vlastitih prihoda postaje javni prihod Budžeta.

(6) Budžetski korisnik kojem je Ministarstvo finansija otvorilo podračun za prikupljanje namjenskih sredstava koja se uplaćuju na depozitni račun Budžeta, u skladu s Pravilnikom o načinu uplate, pripadnosti i raspodjeli javnih prihoda u Federaciji Bosne i Hercegovine, u svom finansijskom planu planira prihode i rashode odnosno primitke i izdatke za podračun, s tim da su ukupni prihodi / primici jednaki ukupnim rashodima / izdacima tokom fiskalne godine.

(7) Namjenska sredstva raspoređuju se i koriste za namjene utvrđene posebnim propisima. Izuzetno, u svrhu održavanja tekuće likvidnosti i otplata duga, na osnovu odluke Vlade Kantona, tokom 2025. godine privremeno se mogu prenositi sredstva s posebnih / namjenskih transakcijskih računa na transakcijski račun Ministarstva finansija u okviru JRT-a, a do iznosa koji ne ugrožava servisiranje redovnih obaveza proisteklih iz posebnih propisa.

(8) Ako se tokom izvršavanja Budžeta budu privremeno prenosila sredstva s posebnih računa iz stava (7) ovog člana, povrat tih sredstava mora se obaviti najkasnije do 31. decembra 2025. godine, a u slučaju potrebe i nepredviđenih okolnosti, do roka koji u svom zahtjevu odredi budžetski korisnik zadužen za utrošak tih sredstava.

(9) Donacije, transferi, namjenski prihodi i primici koji nisu iskorišteni u prethodnoj godini, prenose se u Budžet za tekuću budžetsku godinu, na zahtjev budžetskog korisnika.

(10) Zahtjev za prijenos donacija, transfera, namjenskih prihoda i primitaka iz stava (9) ovog člana podnosi se Ministarstvu finansija najkasnije do 10. februara tekuće godine.

#### Član 19.

##### (Neplanirani prihodi i donacije)

(1) Vlastiti prihodi, donacije, transferi, namjenski prihodi i primici koji nisu planirani u Budžetu a ostvare se tokom godine ili se ostvare u iznosu većem od planiranog u Budžetu, unosit će se i raspoređivati odlukom Vlade Kantona na prijedlog budžetskog korisnika, te postaju sastavni dio Budžeta.

(2) Budžetski korisnik predlaže Vladi Kantona odluku iz stava (1) ovog člana na osnovu prethodno pribavljenog mišljenja Ministarstva finansija.

#### Član 20.

##### (Preraspodjela sredstava)

(1) Ministarstvo finansija može donijeti, na obrazloženi zahtjev budžetskog korisnika, rješenje o preraspodjeli rashoda i izdataka budžetskog korisnika, a najviše do 10% ukupno odobrenih rashoda i izdataka za tog budžetskog korisnika na godišnjem nivou.

(2) Zahtjev za preraspodjelu odobrenih sredstava iz stava (1) ovog člana mora sadržavati obrazloženje kojim se daju na uvid razlozi za dodatnim sredstvima koja se povećavaju do kraja godine odnosno razlozi za smanjenje odobrenih iznosa na budžetskim pozicijama, te odgovarajuću dokumentaciju kojom se potkrepljuju razlozi za dodatnim sredstvima.

(3) U okviru preraspodjele sredstava budžetskog korisnika, sredstva za pojedine potkategorije ekonomske klasifikacije mogu se umanjiti najviše do 10% od ukupno odobrenih sredstava za tu potkategoriju na godišnjem nivou.

(4) U okviru odobrenog Budžeta utvrđuju se preraspodjele u obimu do najviše 10% sredstava, prema vrsti rashoda i izdataka kako slijedi:

a) preraspodjela sredstava na kodovima 611000 – Plate i naknade troškova zaposlenika i 612000 – Doprinosi poslodavca i ostali doprinosi isključivo u okviru ovih ekonomskih kodova, s izuzetkom u odnosu na 613900 – Ugovorene i druge usluge 17. razdjela, glave 02 i 03;

b) preraspodjela sredstava na kodovima 613000 – Izdaci za materijal, sitni inventar i usluge;

c) preraspodjela sredstava na kodu 614000 – Tekući transferi i drugi tekući rashodi;

d) preraspodjela sredstava na kodu 615000 – Kapitalni transferi;

e) preraspodjela sredstava na kodu 616000 – Izdaci za kamate;

f) preraspodjela sredstava na kodu 820000 – Kapitalni izdaci.

(5) Izuzetno, u stavu (4) tačkama c), d), e) i f) ovog člana dozvoljava se preraspodjela u obimu do najviše 10% rashoda i izdataka tačaka c), d), e) i f).

(6) Preraspodjela sredstava između budžetskih korisnika dozvoljena je u visini do 10% ukupno odobrenog Budžeta, o čemu odlučuje Vlada Kantona na prijedlog Ministarstva finansija.

#### Odjeljak C. Plate i naknade

##### Član 21.

##### (Sredstva za plate i naknade)

(1) Sredstva za plate i naknade osiguravaju se budžetskim korisnicima na osnovu zakona i drugih propisa kojima su uređene plate i naknade, a isplaćivat će se do visine sredstava planiranih u Budžetu za te namjene.

(2) Za obračunavanje plata budžetskih korisnika kojima se plate uređuju Zakonom o plaćama i naknadama u organima vlasti Srednjobosanskog kantona i Zakonom o plaćama i naknadama policijskih službenika Srednjobosanskog kantona utvrđuje se osnovica u iznosu od 425,00 KM i bod za obračun plate u visini 1, a plate nosilaca pravosudnih dužnosti obračunavaju se prema Zakonu o platama i drugim naknadama sudija i tužilaca u Federaciji Bosne i Hercegovine.

(3) Za obračunavanje plata ostalih budžetskih korisnika utvrđuje se osnovica u iznosu propisanom u stavu (2) ovog člana, u skladu s kolektivnim ugovorima sklopljenim između Vlade Kantona i sindikata, te sporazumima o osnovicama za obračunavanje plata sklopljenim između Vlade Kantona i sindikata, kao i drugim važećim propisima kojima se uređuju plate budžetskih korisnika Kantona.

(4) Dokaz o zasnivanju radnog odnosa (rješenje o postavljenju i / ili ugovor o radu) i o prestanku radnog odnosa zaposlenika (rješenje o razrješenju i / ili raskidu ugovora o radu) budžetski korisnik dužan je dostaviti Ministarstvu finansija u roku od osam dana od dana zasnivanja odnosno prestanka radnog odnosa, kao i rješenje o plati i rješenje o

prekovremenom radu, do kraja tekućeg mjeseca.

(5) Platne razrede i koeficijente utvrđene u rješenjima o plati iz stava (4) ovog člana kontrolisat će Glavni operativni centar (GOC).

(6) Prekovremeni rad zaposlenika može trajati najviše osam sati sedmično, o čemu rješenjem odlučuje rukovodilac.

(7) Ako se u roku iz stava (4) ovog člana rješenje ne dostavi, Ministarstvo finansija neće zaposleniku obračunati platu i naknade.

(8) Naknade za ugovorene usluge za rad u komisijama, grupama, savjetima, timovima i drugom, planirane na budžetskim pozicijama Tekući izdaci koristit će se u skladu s Odlukom o načinu osnivanja i visini nadoknade za rad stručnih komisija i drugih radnih tijela i komisija u upravnom postupku koje osniva Vlada Srednjobosanskog kantona i rukovodioci kantonalnih organa državne službe.

#### Član 22.

##### (Službena putovanja)

Iznos dnevnice te naknade za ostale troškove koji nastanu u vezi sa službenim putovanjem određuju se za sve budžetske korisnike na osnovu kantonalne Uredbe o naknadama troškova za službena putovanja.

#### Član 23.

##### (Obavezno osiguranje)

Sredstva za obavezno osiguranje osiguravaju se budžetskim korisnicima u skladu s federalnim Zakonom o osiguranju.

#### Odjeljak D. Korištenje budžetskih sredstava

#### Član 24.

##### (Nabavka robe, radova i usluga)

Roba, radovi i usluge nabavljaju se u skladu sa Zakonom o javnim nabavkama Bosne i Hercegovine, kao i procedurama i postupcima propisanim podzakonskim aktima Vlade Kantona, Ministarstva finansija i Ureda za javne nabavke za potrebe korisnika Budžeta Srednjobosanskog kantona.

#### Član 25.

##### (Korištenje sredstava s razdjela 10 Budžeta)

(1) Sredstva na razdjelu 10 Budžeta utvrđena su za pozicije:

a) Tekući transferi neprofitnim organizacijama – Stranci demokratske akcije;

b) Tekući transferi neprofitnim organizacijama – Socijaldemokratskoj partiji Bosne i Hercegovine;

c) Tekući transferi neprofitnim organizacijama – Željko Komšić – za građansku državu – Demokratskoj fronti / Građanskom savezu;

d) Tekući transferi neprofitnim organizacijama – Hrvatskoj demokratskoj zajednici Bosne i Hercegovine, Hrvatskoj seljačkoj stranci Stjepana Radića, Hrvatskoj seljačkoj stranci, Hrvatskoj stranci prava Bosne i Hercegovine, Hrvatskoj kršćanskoj demokratskoj uniji Bosne i Hercegovine, Hrvatskoj stranci prava dr. Ante Starčevića Bosne i Hercegovine, Hrvatskoj demokratskoj uniji Bosne i Hercegovine i Hrastu;

e) Tekući transferi neprofitnim organizacijama – Hrvatskoj demokratskoj zajednici Bosne i Hercegovine 1990 – Hrvatskoj stranci prava Herceg-Bosne i Bosne i Hercegovine;

f) Tekući transferi neprofitnim organizacijama – Narodu i pravdi;

g) Tekući transferi neprofitnim organizacijama – Hrvatskoj seljačkoj stranci Stjepana Radića.

(2) Sredstva iz stava (1) ovog člana raspoređuju se u skladu sa zakonskim propisima i drugim aktima koji uređuju tu oblast, na osnovu odluke administrativne komisije Skupštine Kantona.

(3) Na istom razdjelu Budžeta utvrđena su sredstva za pozicije:

a) Tekući transferi drugim nivoima vlasti i fondovima;

b) Tekući transferi pojedincima;

c) Tekući transferi neprofitnim organizacijama.

(4) Sredstva iz stava (3) tačaka a), b) i c) ovog člana koriste se prema programima koje odobri Vlada Kantona na prijedlog predsjedavajućeg Skupštine Kantona i zamjenika predsjedavajućeg Skupštine Kantona.

(5) Sredstva utvrđena za programe iz stava (4) tačaka a), b) i c) ovog člana izdvajaju se i raspoređuju odlukama predsjedavajućeg Skupštine Kantona i zamjenika predsjedavajućeg Skupštine Kantona.

#### Član 26.

##### (Korištenje sredstava s razdjela 11 Budžeta)

(1) Sredstva utvrđena za razdjel 11 glavu 02 Budžeta, poziciju Tekući transferi drugim nivoima vlasti i fondovima – sufinansiranje i podrška radu Agencije za privatizaciju u Srednjobosanskom kantonu koriste se na osnovu odluke Vlade Kantona, na prijedlog Stručne službe Vlade Srednjobosanskog kantona.

(2) Sredstva utvrđena za razdjel 11 glavu 03 Budžeta, poziciju Kapitalni transferi drugim nivoima vlasti i fondovima – sufinansiranje projekata važnih za Srednjobosanski kanton koriste se na osnovu programa koji odobri Vlada Kantona, a raspoređuju se odlukom Vlade Kantona, na prijedlog Službe za zajedničke poslove organa Srednjobosanskog kantona.

#### Član 27.

##### (Korištenje sredstava s razdjela 13 Budžeta)

(1) Sredstva na razdjelu 13 Budžeta utvrđena za pozicije Subvencije javnim preduzećima – kazneno-popravnim ustanovama – pritvoru i Subvencije javnim preduzećima – za izvršenje sigurnosne mjere obavezno psihijatrijsko liječenje koriste se na osnovu ugovora s kazneno-popravnim ustanovama i Sporazuma o smještaju i naknadi troškova za izvršenje sigurnosnih mjera izrečenih u krivičnom postupku i drugom postupku u kojem se izriče mjera liječenja, sklopljenog s Javnom zdravstvenom ustanovom Zavod za forenzičku psihijatriju, Sokolac, te na osnovu Zakona o krivičnom postupku Federacije Bosne i Hercegovine, na osnovu računa koje odobri Ministarstvo pravosuđa i uprave.

(2) Sredstva utvrđena za isti razdjel Budžeta, poziciju Tekući transferi drugim nivoima vlasti i fondovima – sufinansiranje stručnog usavršavanja koriste se na osnovu Sporazuma o međusobnim pravima i obavezama u implementaciji Zakona o državnoj službi.

(3) Sredstva utvrđena za isti razdjel Budžeta, poziciju Drugi tekući rashodi – izmirenje obaveza prema vansudskim nagodbama koriste se na osnovu odluke Vlade Kantona, na prijedlog resornog ministarstva.

## Član 28.

**(Korištenje sredstava s razdjela 14 Budžeta)**

(1) Sredstva na razdjelu 14 Budžeta utvrđena su za pozicije:

a) Tekući transferi drugim nivoima vlasti i fondovima – podrška Općini Dobretići (za otplatu unutrašnjeg i vanjskog duga, bruto plate i naknade plata zaposlenika, troškove za materijal, inventar i usluge, za tekuće transfere i druge tekuće rashode te za kapitalne transfere i kapitalne rashode);

b) Tekući transferi drugim nivoima vlasti i fondovima – sanacija šteta uzrokovanih poplavama u pogođenim općinama Srednjobosanskog kantona;

c) Drugi tekući rashodi – podmirenje obaveza prema izvršnim sudskim odlukama.

(2) Sredstva iz stava (1) tačaka a) i c) koriste se na osnovu odluke Vlade Kantona, na prijedlog Ministarstva finansija.

(3) Sredstva iz stava (1) tačke b) koriste se na osnovu odluke o kriterijima raspodjele sredstava Vlade Kantona, na prijedlog Ministarstva finansija.

(4) Sredstva utvrđena za isti razdjel Budžeta, poziciju Drugi tekući rashodi – povrat više ili pogrešno uplaćenih sredstava iz ranijih godina koriste se na osnovu rješenja Ministarstva finansija.

## Član 29.

**(Korištenje sredstava s razdjela 15 Budžeta)**

(1) Sredstva na razdjelu 15 Budžeta utvrđena su za pozicije:

a) Tekući transferi drugim nivoima vlasti i fondovima – podsticaji privredi;

b) Tekući transferi drugim nivoima vlasti i fondovima – za javno-privatno partnerstvo;

c) Tekući transferi drugim nivoima vlasti i fondovima – podrška razvoju preduzetničkih zona;

d) Tekući transferi pojedincima – podrška pri zapošljavanju radnika povratnika iz inostranstva;

e) Tekući transferi neprofitnim organizacijama – Regionalnoj ekonomskoj zajednici;

f) Subvencije javnim preduzećima – podsticaji privredi za povećanje konkurentnosti;

g) Subvencije javnim preduzećima – za uvezivanje radnog staža;

h) Subvencije privatnim preduzećima i preduzetnicima – podsticaji privredi;

i) Subvencije privatnim preduzećima i preduzetnicima – za učešće na sajmovima i izložbama;

j) Subvencije privatnim preduzećima i preduzetnicima – podrška razvoju preduzetništva i pokretanju novih *start-up* kompanija;

k) Subvencije privatnim preduzećima i preduzetnicima – podsticaji privredi (podrška preduzećima u završetku implementacije međunarodno priznatih standarda i kvaliteta);

l) Subvencije privatnim preduzećima i preduzetnicima – za projekte podrške stranim investicijama i zapošljavanju radnika koji se nalaze na privremenom radu u inostranstvu;

m) Ugovorene i druge posebne usluge – Ekonomsko-socijalnom vijeću za područje Srednjobosanskog kantona;

n) Subvencije privatnim preduzećima i preduzetnicima – za prekvalifikaciju i dokvalifikaciju nezaposlenih lica i edukaciju u oblasti deficitarnih zanimanja;

o) Tekući transferi drugim nivoima vlasti i fondovima – podrška unapređenju saobraćaja;

p) Tekući transferi neprofitnim organizacijama – podrška unapređenju saobraćaja;

q) Subvencije privatnim preduzećima i preduzetnicima – podrška unapređenju saobraćaja;

r) Tekući transferi neprofitnim organizacijama – turističkim zajednicama u Srednjobosanskom kantonu;

s) Subvencije privatnim preduzećima i preduzetnicima – podrška skijalištima i razvoju turizma;

t) Tekući transferi neprofitnim organizacijama;

u) Tekući transferi drugim nivoima vlasti i fondovima – sufinansiranje projekata zaštite i unapređenja okoliša te razvojnih projekata;

v) Tekući transferi neprofitnim organizacijama – sufinansiranje projekata zaštite i unapređenja okoliša te razvojnih projekata;

w) Subvencije privatnim preduzećima i preduzetnicima – sufinansiranje geoloških radova na istraživanju mineralnih sirovina.

(2) Sredstva iz stava (1) za tačke a), b), c), d), e), f), g), h), i), j), k), l), m), n), o), p), q), r) i s) ovog člana koriste se na osnovu programa koji odobri Vlada Kantona na prijedlog Ministarstva privrede (u daljnjem tekstu: resorno ministarstvo), s tim da se za tačku m) primjenjuju i odredbe člana 24. ovog Zakona.

(3) Sredstva iz stava (1) za tačke t) do w) ovog člana koriste se na osnovu Zakona o koncesijama te programa koji odobri Vlada Kantona na prijedlog resornog ministarstva.

(4) Sredstva utvrđena za programe iz stava (1) ovog člana izdvajaju se i raspoređuju odlukom Vlade Kantona, na prijedlog resornog ministarstva.

## Član 30.

**(Korištenje sredstava s razdjela 16 Budžeta)**

(1) Sredstva na razdjelu 16 Budžeta utvrđena su za pozicije:

a) Tekući transferi neprofitnim organizacijama – Muslimanskom dobrotvornom društvu „Merhamet“;

b) Tekući transferi neprofitnim organizacijama – Katoličkom dobrotvornom društvu Caritas;

c) Tekući transferi neprofitnim organizacijama – Srpskom kulturno-prosvjetnom i humanitarnom crkvenom društvu, Travnik;

d) Tekući transferi neprofitnim organizacijama – Crvenom križu Srednjobosanskog kantona;

e) Tekući transferi neprofitnim organizacijama – udruženjima za socijalnu zaštitu;

f) Kapitalni transferi drugim nivoima vlasti i fondovima – centrima za socijalni rad i općinskim službama za socijalnu zaštitu u Srednjobosanskom kantonu;

g) Tekući transferi drugim nivoima vlasti i fondovima – Zavodu za javno zdravstvo Srednjobosanskog kantona, za nabavku vakcina;

h) Tekući transferi drugim nivoima vlasti i fondovima – zdravstvenim ustanovama u Srednjobosanskom kantonu, za sufinansiranje specijalizacije medicinskog osoblja;

i) Kapitalni transferi drugim nivoima vlasti i fondovima – za nabavku opreme zdravstvenim ustanovama u Srednjobosanskom kantonu;

j) Tekući transferi drugim nivoima vlasti i fondovima – sufinansiranje upravnih organizacija (Zavoda za javno zdravstvo Srednjobosanskog kantona);

k) Tekući transferi drugim nivoima vlasti i fondovima – Zavodu za zdravstveno osiguranje Srednjobosanskog kantona – sufinansiranje premije (markica) socijalno ugroženim licima;

l) Tekući transferi neprofitnim organizacijama – Udruženju penzionera Srednjobosanskog kantona;

m) Tekući transferi pojedincima – pomoć porodicama s djecom;

n) Tekući transferi pojedincima – za prava iz socijalne zaštite;

o) Tekući transferi pojedincima – socijalna zaštita;

p) Tekući transferi pojedincima – civilnim žrtvama rata.

(2) Sredstva iz stava (1) tačaka a), b), c), d), f), g), j), k) i l) ovog člana koriste se na osnovu odluke Vlade Kantona, na prijedlog Ministarstva zdravstva i socijalne politike (u daljnjem tekstu: resorno ministarstvo).

(3) Sredstva iz stava (1) tačaka m), n) i p) ovog člana koriste se prema propisima koji uređuju socijalnu zaštitu.

(4) Sredstva iz stava (1) tačaka e) i o) ovog člana koriste se na osnovu rješenja resornog ministarstva.

(5) Sredstva iz stava (1) tačaka h) i i) ovog člana koriste se na osnovu programa koji odobri Vlada Kantona, a raspoređuju se odlukom Vlade Kantona, na prijedlog resornog ministarstva.

#### Član 31.

##### **(Korištenje sredstava s razdjela 17 Budžeta)**

(1) Sredstva na razdjelu 17 Budžeta utvrđena su za pozicije:

a) Ugovorene i druge posebne usluge – za izradu inoviranih nastavnih planova i programa;

b) Ugovorene i druge posebne usluge – za informatizaciju Ministarstva obrazovanja, nauke, mladih, kulture i sporta, i obrazovnih institucija;

c) Ugovorene i druge posebne usluge – finansiranje troškova prijevoza učenika;

d) Tekući transferi drugim nivoima vlasti i fondovima – pedagoškom zavodu;

e) Tekući transferi drugim nivoima vlasti i fondovima – za izradu inoviranih nastavnih planova i programa;

f) Tekući transferi neprofitnim organizacijama i Ugovorene i druge posebne usluge – za informatizaciju Ministarstva obrazovanja, nauke, mladih, kulture i sporta, i obrazovnih institucija;

g) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama i Subvencije privatnim preduzećima i preduzetnicima – za sport;

h) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama, Subvencije javnim preduzećima i ustanovama i Subvencije privatnim preduzećima i preduzetnicima – za kulturu;

i) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama, Subvencije javnim preduzećima – za muzejsku djelatnost;

j) Tekući transferi pojedincima – za kulturu i nauku;

k) Tekući transferi drugim nivoima vlasti i fondovima,

Tekući transferi pojedincima, Tekući transferi neprofitnim organizacijama, Subvencije javnim preduzećima, Subvencije privatnim preduzećima i preduzetnicima – za informisanje;

l) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama, Subvencije javnim preduzećima / ustanovama i Subvencije privatnim preduzećima i preduzetnicima – za mlade;

m) Tekući transferi neprofitnim organizacijama – pomoć vjerskim zajednicama;

n) Tekući transferi drugim nivoima vlasti i fondovima – za predškolsko obrazovanje;

o) Tekući transferi drugim nivoima vlasti i fondovima – sufinansiranje osnovnih muzičkih škola kojima je osnivač Srednjobosanski kanton (Osnovne glazbene škole Jakova Gotovca, Novi Travnik; Osnovne muzičke škole, Novi Travnik; Osnovne muzičke škole, Travnik; Osnovne muzičke škole, Bugojno);

p) Tekući transferi pojedincima – za nabavku udžbenika za učenike osnovnih škola;

q) Tekući transferi drugim nivoima vlasti i fondovima – za školska takmičenja;

r) Tekući transferi drugim nivoima vlasti i fondovima – finansiranje visokog školstva i stipendiranje studenata;

s) Ugovorene i druge posebne usluge i Tekući transferi drugim nivoima vlasti i fondovima (Ugovorene i druge usluge) – za stručno usavršavanje, edukaciju prosvjetnih radnika;

t) Tekući transferi pojedincima – finansiranje troškova prijevoza učenika;

u) Tekući transferi neprofitnim organizacijama – sufinansiranje odgojno-obrazovne djelatnosti javnih škola na području Srednjobosanskog kantona kojima nije osnivač Kanton;

v) Naknade troškova zaposlenika (Tekući transferi pojedincima) – nagrade za posebna postignuća u odgojno-obrazovnom radu;

w) Tekući transferi pojedincima – za naučne radove;

x) Tekući transferi neprofitnim organizacijama – Hrvatskoj akademiji za znanost i umjetnost u Bosni i Hercegovini te Akademiji nauka i umjetnosti Bosne i Hercegovine, za nauku;

y) Tekući transferi drugim nivoima vlasti i fondovima i Tekući transferi pojedincima – za djecu romske nacionalnosti;

z) Tekući transferi drugim nivoima vlasti i fondovima – za socijalno osiguranje učenika;

aa) Tekući transferi pojedincima – pomoć ugroženim učenicima, Tekući transferi pojedincima – za djecu s posebnim potrebama i Tekući transferi pojedincima – podrška roditeljima djece koja pohađaju vrtiće;

bb) Tekući transferi neprofitnim organizacijama.

(2) Sredstva iz stava (1) tačaka a), b), c) i s) ovog člana koriste se u skladu s odredbama člana 24. ovog Zakona.

(3) Sredstva iz stava (1) tačaka g), h), i), j), k), l), q), u) i bb) ovog člana koriste se na osnovu programa koji odobri Vlada Kantona na prijedlog Ministarstva obrazovanja, nauke, mladih, kulture i sporta (u daljnjem tekstu: resorno ministarstvo).

(4) Sredstva iz stava (1) tačke r) ovog člana koriste se na osnovu ugovora Vlade Kantona, na prijedlog resornog ministarstva.

(5) Sredstva iz stava (1) tačaka c), m), n), o), t), w), x), y),

z) i aa) ovog člana koriste se na osnovu kriterija koje utvrdi Vlada Kantona na prijedlog resornog ministarstva.

(6) Sredstva iz stava (1) tačaka a) b), c) d), e), f), i) s) ovog člana izdvajaju se na osnovu odluke Vlade Kantona, na prijedlog resornog ministarstva.

(7) Sredstva iz stava (1) tačke v) ovog člana koriste se i izdvajaju se na osnovu pravilnika i rešenja resornog ministarstva.

(8) Sredstva utvrđena za stav (1) tačke g), h), i), j), k), l), m), n), o), p), q), r), t), u), w), x), y), z), aa) i bb) ovog člana izdvajaju se i raspoređuju odlukama Vlade Kantona, na prijedlog resornog ministarstva.

#### Član 32.

##### (Korištenje sredstava s razdjela 18 Budžeta)

(1) Sredstva na razdjelu 18 Budžeta utvrđena su za pozicije:

a) Ugovorene i druge posebne usluge – za izmjenu i izradu prostorno-planske dokumentacije;

b) Tekući transferi neprofitnim organizacijama – za obilježavanje značajnih dana ekološkog kalendara i podršku radu ekoloških društava;

c) Subvencije javnim preduzećima – za saniranje ekoloških incidenata;

d) Kapitalni transferi drugim nivoima vlasti i fondovima, Kapitalni transferi pojedincima, Kapitalni transferi neprofitnim organizacijama, Kapitalni transferi javnim preduzećima, Kapitalni transferi privatnim preduzećima i preduzetnicima – podsticaji povratku prognanika, obnovi i razvitku;

e) Kapitalni transferi drugim nivoima vlasti i fondovima, Kapitalni transferi neprofitnim organizacijama, Kapitalni transferi javnim preduzećima i Kapitalni transferi privatnim preduzećima i preduzetnicima – za utopljanje zgrada, zbrinjavanje otpada, vodovod i kanalizaciju.

(2) Sredstva iz stava (1) tačaka b), c), d) i e) ovog člana koriste se prema propisima i programima koje odobri Vlada Kantona na prijedlog Ministarstva prostornog uređenja, građenja, zaštite okoliša, povratka i stambenih poslova (u daljnjem tekstu: resorno ministarstvo).

(3) Sredstva iz stava (1) ovog člana koriste se u skladu s odredbama člana 24. ovog Zakona.

(4) Sredstva utvrđena za programe iz stava (1) tačaka b), c), d) i e) ovog člana izdvajaju se i raspoređuju odlukama Vlade Kantona, na prijedlog resornog ministarstva.

#### Član 33.

##### (Korištenje sredstava s razdjela 19 Budžeta)

(1) Sredstva na razdjelu 19 Budžeta utvrđena su za pozicije:

a) Tekući transferi pojedincima i Subvencije privatnim preduzećima i preduzetnicima – podsticaji poljoprivredi (primarnoj poljoprivrednoj proizvodnji);

b) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama, i Subvencije privatnim preduzećima i preduzetnicima – podsticaji poljoprivredi (interventna sredstva);

c) Tekući transferi neprofitnim organizacijama – podsticaji poljoprivredi (organizovanje sajmovi i izložbi te edukacije, izdavaštvo i sl.);

d) Tekući transferi drugim nivoima vlasti i fondovima,

Tekući transferi pojedincima i Subvencije privatnim preduzećima i preduzetnicima – podsticaji veterinarstvu (zakonske obaveze);

e) Subvencije javnim preduzećima – podsticaji šumarstvu, za državne šume;

f) Tekući transferi neprofitnim organizacijama – podsticaji lovstvu;

g) Tekući transferi pojedincima – podsticaji šumarstvu, za naučno-istraživački rad (interventna sredstva);

h) Tekući transferi neprofitnim organizacijama – podsticaji vodoprivredi;

i) Tekući transferi drugim nivoima vlasti i fondovima, Tekući transferi pojedincima, Tekući transferi neprofitnim organizacijama i Subvencije javnim preduzećima – podsticaji vodoprivredi (interventna sredstva);

j) Kapitalni transferi drugim nivoima vlasti i fondovima i Kapitalni transferi javnim preduzećima – podsticaji vodoprivredi;

k) Kapitalni transferi drugim nivoima vlasti i fondovima – podsticaji vodoprivredi (interventna sredstva);

l) Tekući transferi pojedincima, Tekući transferi neprofitnim organizacijama i Subvencije privatnim preduzećima i preduzetnicima – za rekultiviranje poljoprivrednog zemljišta;

m) Kapitalni transferi javnim preduzećima – podsticaji šumarstvu, za državne šume;

n) Tekući transferi pojedincima i Subvencije privatnim preduzećima i preduzetnicima – naknada štete koju počinu zaštićena divljač, u skladu s članom 70. federalnog Zakona o lovstvu;

o) Ugovorene i druge posebne usluge – podsticaji vodoprivredi.

(2) Sredstva iz stava (1) tačaka a), b) c), d), e), f), g), h), i), j), k), l) i m) ovog člana koriste se prema programima koje odobri Vlada Kantona na prijedlog Ministarstva poljoprivrede, vodoprivrede i šumarstva (u daljnjem tekstu: resorno ministarstvo).

(3) Sredstva iz stava (1) tačke n) ovog člana koriste se prema odluci Vlade Kantona, na prijedlog resornog ministarstva.

(4) Sredstva iz stava (1) tačke o) ovog člana koriste se u skladu s odredbama člana 24. ovog Zakona.

(5) Sredstva utvrđena za isti razdjel glavu 02 Budžeta, pozicije Subvencije javnim preduzećima – za izradu šumsko-privrednih osnova za privatne šume, Subvencije javnim preduzećima – podsticaji šumarstvu, za državne šume i Kapitalni transferi javnim preduzećima – podsticaji šumarstvu, za državne šume koriste se na osnovu programa koji odobri Vlada Kantona na prijedlog resornog ministarstva.

(6) Sredstva utvrđena za programe iz stavova (1) i (4) ovog člana izdvajaju se i raspoređuju odlukama Vlade Kantona, na prijedlog resornog ministarstva.

#### Član 34.

##### (Korištenje sredstava s razdjela 20 Budžeta)

(1) Sredstva na razdjelu 20 Budžeta utvrđena su za pozicije:

a) Tekući transferi pojedincima – egzistencijalna novčana naknada;

b) Tekući transferi neprofitnim organizacijama – za istraživanje, sređivanje, arhiviranje i objavljivanje dokumentacije iz Odbrambeno-oslobodilačkog rata;



c) Tekući transferi pojedincima – za sufinansiranje nabavke ortopedskih pomagala ratnim vojnim invalidima;

d) Tekući transferi drugim nivoima vlasti i fondovima – za zdravstvenu zaštitu branilaca i članova njihovih porodica;

e) Tekući transferi neprofitnim organizacijama – za manifestacije, obilježavanje značajnih datuma i sportske aktivnosti;

f) Tekući transferi neprofitnim organizacijama – za izgradnju centara za psiho-socijalno liječenje branilaca;

g) Tekući transferi neprofitnim organizacijama – udruženjima branilaca;

h) Tekući transferi pojedincima – stipendiranje / školovanje djece branilaca;

i) Tekući transferi pojedincima – jednokratne novčane pomoći braniocima i članovima njihovih porodica;

j) Tekući transferi neprofitnim organizacijama – za pravnu pomoć;

k) Tekući transferi pojedincima – pomoć u smrtnom slučaju;

l) Tekući transferi neprofitnim organizacijama – za izgradnju i uređenje mezarja i groblja;

m) Tekući transferi neprofitnim organizacijama – za izgradnju i uređenje spomen-obilježja;

n) Tekući transferi pojedincima – sufinansiranje stambenog zbrinjavanja;

o) Ugovorene i druge posebne usluge – za banjisko i klimatsko liječenje branilaca.

(2) Sredstva iz stava (1) tačaka a), c), h), i), k) i n) ovog člana koriste se prema zakonskim i podzakonskim propisima koji uređuju prava branilačko-invalidske zaštite.

(3) Sredstva iz stava (1) tačaka b), d), e), f), g), j), l) i m) ovog člana koriste se prema programu koji donosi Vlada Kantona na prijedlog Kantonalne uprave za branioce.

(4) Sredstva iz stava (1) tačaka a), c), h), i), k) i n) ovog člana koriste se na osnovu rješenja Kantonalne uprave za branioce.

(5) Sredstva iz stava (1) tačke o) ovog člana koriste se u skladu s odredbama člana 24. ovog Zakona.

(6) Sredstva utvrđena za programe iz stava (1) tačaka b), d), e), f), g), j), l) i m) ovog člana koriste se na osnovu odluke Vlade Kantona, na prijedlog Kantonalne uprave za branioce.

#### Član 35.

##### **(Korištenje sredstava s razdjela 23 Budžeta)**

(1) Sredstva na razdjelu 23 Budžeta utvrđena su za poziciju Kapitalni transferi drugim nivoima vlasti i fondovima (sufinansiranje projekta Uspostava katastra nekretnina) i koriste se na osnovu programa koji odobri Vlada Kantona na prijedlog Kantonalne uprave za geodetske i imovinskopravne poslove.

(2) Sredstva utvrđena za program iz stava (1) ovog člana izdvajaju se i raspoređuju odlukom Vlade Kantona, na prijedlog Kantonalne uprave za geodetske i imovinskopravne poslove.

#### Član 36.

##### **(Korištenje sredstava s razdjela 24 Budžeta)**

(1) Sredstva na razdjelu 24 Budžeta utvrđena su za pozicije:

a) Tekući transferi drugim nivoima vlasti i fondovima;

b) Tekući transferi pojedincima;

c) Tekući transferi neprofitnim organizacijama;

d) Kapitalni transferi drugim nivoima vlasti i fondovima;

e) Tekući transferi drugim nivoima vlasti i fondovima – za nabavku opreme za strukture civilne zaštite;

f) Tekući transferi drugim nivoima vlasti i fondovima – za obuku i vježbe struktura civilne zaštite;

g) Tekući transferi drugim nivoima vlasti i fondovima – za preventivne mjere zaštite i spašavanja;

h) Tekući transferi drugim nivoima vlasti i fondovima – za saniranje dijela šteta nastalih prirodnim i drugim nesrećama;

i) Tekući transferi drugim nivoima vlasti i fondovima – za troškove učestvovanja u provođenju mjera zaštite i spašavanja.

(2) Sredstva iz stava (1) tačaka e), f), g), h) i i) ovog člana koriste se u skladu s godišnjim planom korištenja sredstava posebne naknade za zaštitu i spašavanje, koji svake godine donosi Kantonalna uprava za civilnu zaštitu, uz pribavljeno mišljenje Kantonalnog štaba civilne zaštite i uz saglasnost Vlade Kantona.

(3) Sredstva utvrđena za programe iz stava (1) tačaka a), b), c) i d) ovog člana koriste se na osnovu odluke Vlade Kantona, na prijedlog Kantonalne uprave za civilnu zaštitu.

(4) Sredstva utvrđena za programe iz stava (1) tačaka e), f), g), h) i i) ovog člana izdvajaju se i raspoređuju odlukama Vlade Kantona, na prijedlog Kantonalne uprave za civilnu zaštitu.

#### **Odjeljak E. Programiranje trošenja budžetskih sredstava**

##### Član 37.

##### **(Program trošenja sredstava)**

(1) Budžetski korisnici obavezni su predložiti Vladi Kantona programe utroška sredstava iz članova 25., 29., 30., 31., 32., 33., 34., 35. i 36. ovog Zakona.

(2) Bitni elementi programa iz stava (1) ovog člana su: naziv programa, svrha programa, kriteriji raspodjele sredstava, iznos sredstava, izvori sredstava te način i rokovi izvještavanja.

(3) Budžetski korisnici prilikom izrade programa utroška sredstava obavezni su pridržavati se odredbi Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine.

(4) Sredstva iz stava (1) ovog člana mogu se koristiti nakon što Vlada Kantona odobri i objavi programe utroška tih sredstava.

(5) O utrošku sredstava iz stava (1) ovog člana budžetski korisnici periodično izvještavaju Ministarstvo finansija, a Ministarstvo finansija Vladu Kantona, u skladu sa Zakonom o budžetima u Federaciji Bosne i Hercegovine.

##### Član 38.

##### **(Upravljanje budžetskim sredstvima u okviru programa trošenja sredstava)**

Resorna ministarstva obavezna su osigurati transparentnost i efikasnost upravljanja budžetskim sredstvima u svojim programima utroška sredstava iz članova 25., 29., 30., 31., 32., 33., 34., 35. i 36. ovog Zakona.

**Odjeljak F. Primjena računovodstvenih propisa**

## Član 39.

**(Računovodstvo)**

Svi budžetski korisnici dužni su voditi evidenciju pomoćnih knjiga u skladu s Pravilnikom o knjigovodstvu budžeta u Federaciji Bosne i Hercegovine.

## Član 40.

**(Primjena propisa, priznavanje prihoda i primitaka te rashoda i izdataka)**

(1) Budžetski korisnici obavezni su primjenjivati budžetsko računovodstvo i Računovodstvene politike za kantonalne budžetske korisnike i Kantonalni trezor.

(2) Prihodi i primici priznaju se samo u onom periodu kada su mjerljivi i raspoloživi odnosno kada su uplaćeni na JRT.

(3) Rashodi i izdaci priznaju se u trenutku nastanka obaveze.

**POGLAVLJE II. ZADUŽIVANJE I UPRAVLJANJE DUGOM, GARANCIJAMA I FINANSIJSKOM IMOVINOM**

## Član 41.

**(Zaduživanje)**

(1) Srednjobosanski kanton (u daljnjem tekstu: Kanton) može stvoriti obaveze na osnovu dugoročnog zaduživanja ako u vrijeme dugoročnog zaduženja iznos servisiranja duga za ukupni vanjski i unutrašnji dug i garancije, koji dopijeva u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije Kantona, ne prelazi 10% prihoda ostvarenih u prethodnoj fiskalnoj godini i u okvirima ukupnih ograničenja u skladu s procedurom definisanom u članu 7. stavu 5. Zakona o dugu, zaduživanju i garancijama u Federaciji Bosne i Hercegovine.

(2) Za provođenje procedure zaduživanja nadležno je Ministarstvo finansija.

## Član 42.

**(Finansiranje deficita iz gotovinskog toka)**

(1) Kratkoročni dug nastao zaduženjem radi privremenog finansiranja deficita nastalog iz gotovinskog toka otplaćuje se u periodu od jedne godine i ni u jednom periodu tokom fiskalne godine ne može prijeći 5% ostvarenih prihoda, bez primitaka, u prethodnoj fiskalnoj godini.

(2) U vanrednim okolnostima visinu sredstava za finansiranje deficita nastalog iz gotovinskog toka, a koji ugrožava funkcionisanje finansijskog sistema u Kantonu, odobrava Skupština Kantona na prijedlog Vlade Kantona.

## Član 43.

**(Izdavanje garancija)**

Kanton može izdati garanciju za finansiranje kapitalne investicije samo pod uvjetom da u tom privrednom društvu ili tom pravnom licu Kanton ima odlučujući uticaj na upravljanje na osnovu strukture vlasničkog kapitala.

## Član 44.

**(Pozajmice iz namjenskih sredstava)**

(1) Kanton može, u svrhu rješavanja privremenog deficita nastalog iz gotovinskog toka, pozajmljivati iz namjenskih sredstava koja se nalaze na podračunima.

(2) Odluku o pozajmici donosi Vlada Kantona na prijedlog Ministarstva finansija.

## Član 45.

**(Odluke o dugu, garancijama i zajmovima)**

(1) Odluku o zaduživanju i davanju garancije donosi Skupština Kantona na prijedlog Vlade Kantona.

(2) O obliku zajma i vrsti instrumenata osiguranja otplate zajma odlučuje Vlada Kantona.

(3) Odluke o dugu, garancijama i zajmovima objavljuju se u „Službenim novinama Srednjobosanskog kantona“.

## Član 46.

**(Upravljanje dugom)**

(1) Za upravljanje dugom Kantona nadležno je Ministarstvo finansija.

(2) Ministarstvo finansija uspostavlja i vodi Evidenciju o unutrašnjem i vanjskom dugu i izdatim garancijama, u skladu s federalnim propisom.

**POGLAVLJE III. UPRAVLJANJE NEFINANSIJSKOM IMOVINOM**

## Član 47.

**(Upravljanje imovinom)**

(1) Budžetski korisnik koji nabavlja nekretninu za potrebe rada kantonalnih organa uprave i kantonalnih upravnih organizacija obavezan je u roku od 30 dana od dana nabavke podnijeti zahtjev, s potrebnom dokumentacijom, Kantonalnom pravobranilaštvu (u daljnjem tekstu: Pravobranilaštvo) radi podnošenja prijedloga za upis nekretnine u zemljišne knjige.

(2) Pravobranilaštvo će sastaviti zemljišnoknjižni prijedlog i podnijeti ga nadležnom sudu radi upisa nekretnine u zemljišne knjige.

(3) Budžetski korisnik dužan je u roku 30 dana od dana dobivanja dokaza o upisu u zemljišne knjige dostaviti Trezoru taj dokaz radi evidentiranja u Glavnu knjigu Trezora.

## Član 48.

**(Upis i evidentiranje nekretnina u Glavnu knjigu Trezora)**

(1) Prilikom sticanja nekretnine bez naknade Pravobranilaštvo podnosi zemljišnoknjižni prijedlog za upis nekretnine, prema prethodno dobivenoj saglasnosti Vlade Kantona.

(2) Ovlašteno lice nosioca stečenog prava na nekretninu iz stava (1) ovog člana ili lice koje ono ovlasti dužno je u roku od 30 dana od dana dobivanja dokaza o upisu u zemljišne knjige nekretnine iz stava (1) ovog člana Trezoru dostaviti taj dokaz radi evidentiranja u Glavnu knjigu Trezora.

## Član 49.

**(Vodenje evidencije o imovini)**

(1) Ako se sredstva Budžeta koriste za sanaciju, dokapitalizaciju ili kao udio u sredstvima pravnog lica, Kanton

postaje vlasnikom u tom pravnom licu srazmjerno uloženim sredstvima.

(2) Imovinu iz vlasništva Kantona iz stava (1) ovog člana upisuje njen korisnik u svoju evidenciju, a pravno lice upisuje Kanton kao vlasnika srazmjernog dijela kapitala.

(3) Evidenciju o imovini i vlasničkim udjelima iz stavova (1) i (2) ovog člana vodi budžetski korisnik, a nalog, s odgovarajućom dokumentacijom, dostavlja Trezoru radi finansijske evidencije imovine u Glavnu knjigu Trezora.

#### POGLAVLJE IV. FINANSIJSKO IZVJEŠTAVANJE I TRANSPARENTNOST

Član 50.

##### (Finansijsko izvještavanje)

Na finansijske izvještaje o izvršavanju Budžeta primjenjuju se odredbe članova 89. do 98. Zakona o budžetima u Federaciji Bosne i Hercegovine.

Član 51.

##### (Transparentnost i javnost)

(1) Radi osiguranja transparentnosti, u Budžetu se prikazuju svi javni prihodi i rashodi, ukupni i po budžetskim korisnicima, po računima računskog plana.

(2) Radi izvještavanja javnosti o upravljanju javnim prihodima i rashodima godišnji izvještaj o izvršenju Budžeta objavljivat će se na službenoj stranici Vlade Kantona u roku od 10 dana od dana njihova podnošenja.

#### POGLAVLJE V. BUDŽETSKI NADZOR, KONTROLA I UNUTRAŠNJA REVIZIJA

Član 52.

##### (Budžetski nadzor)

Nadzor nad zakonitosti, pravovremenosti i namjenskim korištenjem sredstava iz Budžeta provodi budžetski inspektor na način utvrđen Zakonom o budžetima u Federaciji Bosne i Hercegovine i Uredbom o budžetskom nadzoru u Federaciji Bosne i Hercegovine.

Član 53.

##### (Unutrašnja kontrola)

Budžetski korisnici obavezni su urediti sistem unutrašnje kontrole u skladu s međunarodnim standardima unutrašnje kontrole i Zakonom o finansijskom upravljanju i kontroli u javnom sektoru u Federaciji Bosne i Hercegovine.

Član 54.

##### (Unutrašnja revizija)

Pregled i procjenu učinkovitosti sistema finansijskog upravljanja i unutrašnjih kontrola Ministarstvo finansijska provodi preko unutrašnje revizije, u skladu sa Zakonom o internoj reviziji u javnom sektoru u Federaciji Bosne i Hercegovine i Pravilnikom o internoj reviziji Ministarstva finansijska Srednjobosanskog kantona.

Član 55.

##### (Revizijski izvještaj)

O obavljenoj reviziji, preporukama datim za poboljšanje

rada i poslovanja te o praćenju provođenja preporuka ministar finansija izvještava Vladu Kantona.

#### DIO TREĆI – KAZNENE I ZAVRŠNE ODREDBE

Član 56.

##### (Kazne)

Odgovorno lice budžetskog korisnika kaznit će se za prekršaj koji napravi u skladu s odredbama članova 102. i 103. Zakona o budžetima u Federaciji Bosne i Hercegovine.

Član 57.

##### (Primjena Zakona)

Ako drugi zakoni i propisi sadrže odredbe o načinu izvršavanja Budžeta te o pravima i obavezama korisnika budžetskih sredstava koje su u suprotnosti s ovim Zakonom, primjenjuju se odredbe ovog Zakona.

Član 58.

##### (Stupanje na snagu)

Ovaj Zakon stupa na snagu narednog dana od dana objave u „Službenim novinama Srednjobosanskog kantona“, a primjenjivat će se za 2025. fiskalnu godinu.

Broj: 01-02-1501/24 PREDSDJEDAVAJUĆI SKUPŠTINE  
18. decembra 2024.

Travnik

Dražen Matišić, s. r.

5

Na osnovu člana 32a. stava 1. tačke j) Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

#### U K A Z

#### O PROGLAŠENJU ZAKONA DOPUNAMA ZAKONA O GRAĐENJU

I.

Proglašavam Zakon o dopunama Zakona o građenju, koji je donijela Skupština Srednjobosanskog kantona na XVII. sjednici, održanoj 18. decembra 2024. godine.

Broj: 01-02-1502/24 PREDSDJEDAVAJUĆI SKUPŠTINE  
18. decembra 2024.

Travnik

Dražen Matišić, s. r.